

樂昌縣志

第一冊

樂昌縣志

慈利劉運鋒題



序

劉孟顧運鋒宰樂昌之三年纂其縣志殺青郵書乞序文報之曰人能著書而必督旁一人有時名者爲之序言無論先已自貶價值但風馬牛不相及譬則隔壁人米鹽多寡有無強而聽東西鄰翁媪估之詳之嚮壁虛造非誣卽諂天下最惡例誠無以爲也雖然吾孟顧知文律者在志言志吾有畜念旁軼橫出姑一恣言凡方志體例可乎前此二歲客造寓廬告長沙大人眼光是嘗及此且願有所謁也比莞爾而笑曰政府于縣志煌煌明令檄各縣纂凡例諺云偪牯牛生子殆卽此一回事其于省志政務會議聞分三路舉總纂彷彿且齒及賤名此而亦有路界歇後鄭五爲相殆又爲一回事客曰然則當何如曰天下事由一生萬至不齊也能

樂昌縣志

卷首 序

廣州市西湖街廣益承刊

者卽執一馭萬攝不齊使之齊而事舉矣請言湖南省志爲書千卷嘗隨手緝一二册其內容一言蔽之分類舉各縣志覆寫一徧而已夫何爲也哉今日之事擬變舊面目立一名曰湖南省縣志省志冠首爲第一長沙七十五縣以次類從爲第二至第七十六凡省志成書不許過十册縣志大縣三册兩册小縣一册懸爲嚴格毋俾出入省志載省有縣志各載縣有省不複縣省有之政關連于縣者則一表臚列之政名爲經爲總綱縣名爲緯爲子曰一省大政由今七廳衍之至多十表合其他至多二十表表欄縣列一表七十五縣卽七十五行占書四葉止矣視舊之覆寫一徧凌亂複雜誠一掃而空幾幾于吸海入壺縮龍成寸也蓋可斷言至于各縣志則開宗明義第一句卽變更政府明令由省局擬定凡

例頒行各縣斟酌當地情形自具稿本或喜繳採訪冊省局亦斟酌情形聘人主筆一人數縣一縣數人均無不可但須明定程限少爲一年多或兩年一體脫稿以昭畫一夫今世言科學義主分割由一至萬其析彌細其用彌大所謂卽物窮理物之表裏精粗無不到也吾言方志義主總括執一馭萬苟見于此卽沒于彼所謂參互錯綜東出鱗而西亦時出爪也然則取繁頤之數神消納之法方志與科學其塗之爲各出蓋彰彰明甚茲事誠體大然切而求之要不外辭尙體要詳畧得中八字之精神云云于是孟顧再拜言曰先生之言大矣造端簡具體微吾志樂昌去之雖遠顧大畧似亦竊取一二核其目錄良信嗟乎孟顧今日眼中人言著書對山武功吾病其簡壬甫湘潭吾疵其繁今樂昌志其諸郡縣

樂昌縣志

卷首 序

二

廣州市西湖街廣益承刊

書之中庸者乎孟顧在樂昌百政皆新殆勇于狗職者爰併書之

民國二十年七月慈利吳恭亨序

序

民國十八年七月予奉令任樂昌甫下車卽取邑志考察山谿險要民風士習利病之所在興革之緩急以定行政計畫而邑志爲清同治季年修刊迄今六十年未經續纂其間陵谷凡幾變今昔多異宜泥而求之其可乎適疊奉層峰令催修志乃令教育局教育會召集紳耆會議僉謂六十年間歷史人文何可湮沒矧故老渺存逮今不修後將奈何遂以九月開局予鄉人陳君宗瀛與其役其言曰志之體例有明清各名家志在惟今之時事多創而少因若拘拘於前人成例何異刻舟求劍然前無所因將有疑而訾議者其如之何予曰是何足疑凡事須因時制宜使明清諸名家操觚於今日其能無變通乎囑與同人卽本此旨以纂輯迄今年

樂昌縣志

卷首 序

三

廣州市西湖街廣益承刊

六月書成凡二十三卷財政實業議會黨部等類皆以義起例其他舊例有而或與時制相鑿枘則刪其目存其故實於別類至山川形勢風俗利病展卷而得其概爲政者可以知興革之緩急矣若夫潤色文字正其謬誤補其疎漏歸於盡善是在後之君子斯役也邑紳推予爲局主任周承烈副之纂修則慈利陳宗瀛分纂則仁化劉樹杰邑人黃景森分校則白鐸形李鴻英張洵潘燦雋二十年六月樂昌縣縣長慈利劉運鋒序

凡例

一新志當根據舊志邑前明張志及康熙三志均無傳本惟同治時志猶存其例言纂輯以舊志爲宗但原本簡率今師其意而變之可見此志補前人疎漏不少然當時仍未徵齊各舊家譜牒以備參攷如宋蕭服由進士官至侍郎補官告身尙刻譜中服自著蕭氏源流支派考叙蕭氏來歷及已與蕭雅兄弟科第甚詳乃人物選舉中均無蕭服姓名其他遺漏者亦多今徵集各譜有可徵信者據以補之

一纂輯應徵集私家著述以備采取邑人著述譜牒之外流傳甚少前志上距康熙百三十年其間闕佚旣多今距同治又六十年故老無存諮訪維艱欲旁搜博徵又無私家著述人物間有

樂昌縣志

卷首

凡例

一

廣州市西湖街廣益承刊

傳狀可采職官則姓名多佚政績祇能紀一二人餘惟附諸史家闕文之例而已

一邑志以圖爲重舊志爲全圖一景圖八全圖位置太錯五山僅及麻坑止缺東北一角今刪去景圖爲總圖一城市圖一分區圖八總圖摹仿陸軍測繪圖原圖亦有錯訛調查明確後更正城市圖則公路工程處技師創稿區圖則各區調查員創稿邑無測繪人材區圖位置均由臆測然本地人形勢熟悉雖不中不遠矣

一地理以山水爲重舊志列山川於方域之外又以亭閣宅墓等附之其叙山水但書二三大字下注小字數行未免貽笑今叙山始西北訖東南順其脈絡詳其幹支叙水仿南雷今水經先

叙幹水自上而下以次叙支水各水自爲一段小水則帶叙其間又地理原有分野一門今奉 令刪去蓋一邑百里非所宜有也

一物產以詳特產爲正而粵省各志往往備載其名一一箋註近儒所譏草木非其特產鈔厥傳疏是也茲因同人謂無妨碍大體故降格從之

一田賦自明人修志以來名詞無異後人或有變作賦役者猶之田賦也清季征歛日繁田賦賦役均不能括有於田賦外另立雜稅一門者迄今更非昔比雜征過於田賦數倍或十數倍者往往有之設仍守舊例何異刻舟求劍然析爲二類亦未爲允當今直以財政爲目內分國家費地方費逐條詳叙又列爲表

樂昌縣志

卷首

凡例

二

廣州市西湖街廣益承刊

庶覽者瞭然顧此亦近時修志家開其先非今所創也

一戶口舊志列入賦役取古時計口授田之義也韶府志田賦入經政戶口入輿地係沿阮通志例今以田賦統於財政戶口則從通志府志例但必附於地理末其下爲財政首叙田賦仍得與戶口相連接

一志之體例亦因時制宜如書院入建置古蹟附地理均爲前代定例又有物產無實業亦未有譏其疎也令教育期於普及非建置所能容實業力圖振興非物產所能盡國體既改廢興不同壇廟牌坊均爲古蹟益之以古城舊署前賢遺址古蹟之類亦繁故三者均宜自爲一類

一黨部議會舊例所無今志應有且黨權高於一切議會爲立法

機關均應列於職官之前

一選舉各志或統於人物或自爲一類邑舊志選舉附載仕宦職銜封蔭極爲蕪濫今爲選舉表專門以上學校畢業學生表仕宦表統屬於人物選舉自進士下逮五貢止仕宦但列實官以免蕪濫之誚

一人物原包男女在內而近代各志有以人物專屬男另立列女一門者有以列傳二字爲目下分人物列女者列傳二字僭用國史體訾議者頗多卽別列女於人物亦非所安今以人物二字統之先叙男後叙女各志叙女但取節孝節烈處境平順雖有賢德未見叙錄揆之於理寧得曰平今於節孝節烈後又紀賢良婦女數人使社會中知婦女有賢德卽可流芳百世也

樂昌縣志

卷首 凡例

三

廣州市西湖街廣益承刊

一舊志以鄧文進爲邑籍列於人物殊失之誣今從他志例立寓賢一門首文進次蕭益白璧皆外籍居樂昌者也客將趙啓玉勦匪邑境凡兩載陣亡他無可入亦附於此至於名流過境他志亦有列入寓賢者今不敢從

一志例有事紀一類或曰前事畧今奉令作大事紀猶史漢之本紀也然志與史異今列於人物寓賢後卽不敢僭擬國史之意一藝文但載書目體例當然書之內容應仿四庫全書目錄舉其概要而邑人著述多無傳本無從立說其有原叙附錄於下亦略足發明至舊志所載詩文刻石者入金石其時代太近及非刻石者亦不可盡棄附錄於山水建置古蹟諸類馬援武溪深詞爲最古然此詞不載范書本傳不錄於文選獨見崔豹古今

注崔書僞此詞未必非後人擬至武漢在湖南辰州馬援征蠻至壺頭受暑濕致疾或作此詞以和爰寄生之笛亦未可知其征交趾有樓船五千餘艘由海道進援不應獨經樂境且其時意氣甚壯不應有此淒涼之詞宋蔣之奇卽誤以邑武水當之作續武溪深詞刻石曲江雖舊志並載今應割愛

一舊志有雜誌一類內分古蹟仙釋今古蹟自爲一類仙釋僅二人事亦附見古蹟故雜誌一類刪去

一例有散見於各類小序者茲不重述

樂昌縣志目錄

卷首

序 凡例 圖

卷一

地理一 沿革 疆域
氣候

卷二

地理二 山水 水利
險要

卷三

地理三 風俗

卷四

地理四 物產上

樂昌縣志

卷首 目錄

一 廣州市西湖街廣益承刊

卷五

地理五 物產下
戶口

卷六

財政 國家費收支表 地方費收支表
教育費收支表 附學田表

卷七

建置 城池 官署 學宮 教育會 教育局 圖書館 通俗演講所 郵政局
電報局 長途電話 倉儲 育嬰堂 養濟院 義山 涼亭 公路

公園 農林局 中山林 苗圃 工藝廠
商會 市墟表 橋渡表

卷八

教育 前代書院社學表 學校教育表
社會教育表

卷九

實業

卷十

兵防

卷十一

黨部

卷十二

議會

卷十三

職官上

職官表

卷十四

職官下

名宦

卷十五

樂昌縣志

卷首 目錄

二

廣州市西湖街廣益承刊

人物上

選舉表
仕宦表

專門以上學校畢業生表

卷十六

人物中

卷十七

人物下

節孝表
耆壽表

卷十八

寓賢

卷十九

大事記

卷二十

古蹟

古城
塚墓

舊署
名勝

壇廟

舊公益場所

牌坊

前賢遺址

卷二十一

藝文

卷二十二

金石上

卷二十三

金石下


樂昌縣志

卷首

目錄

三


廣州市西湖街廣益承刊




縣城及城外街道圖

圖 例

城垣	街市	公路	路	渠橋	山	屋宇	池塘	機關公所	學校	古蹟	沙洲	教堂
()	——	——	——	——	——	——	○ □	○	○	○	○	○





城 苗 門北 縣

禱

部

塘

塘

城隍廟

縣署

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

河

南

坊巷水

水

比例尺



第一區圖

